

## ՄՏՈՐԱԳՐՎԵՑ ՀԱՄԱՁԱՅՆԱԳԻՐ

16.10.2012



2012 թվականի հոկտեմբերի 13-ին Ռուսաստանի Դաշնության Արխանգելսկի մարզի կառավարության և Հայաստանի Հանրապետության Վայոց ձորի մարզպետարանի միջև ստորագրվեց առևտրատնտեսական, գիտատեխնիկական և հումանիտար համագործակցության մասին համաձայնագիր: ՌԴ Արխանգելսկի մարզի Կառավարության անունից հանդես է եկել Արխանգելսկի մարզի նահանգապետ Իգոր Օրլովը, ՀՀ Վայոց ձորի մարզպետարանի անունից՝ Վայոց ձորի մարզպետ Էդգար Ղազարյանը: Համաձայնագիրը կնքվել է Երևան քաղաքում 2012թվականի հոկտեմբերի 13-ին, հավասար իրավական ուժ ունեցող երկու օրինակից՝ ռուսերեն և հայերեն լեզուներով:

Ըստ համաձայնագրի կողմերը համագործակցում են հետևյալ ձևերով .  
-առևտրատնտեսական առաջարկությունների, ծառայությունների առանձին տեսակների ցանկի և արտահանվող արտադրանքի, որոնք համապատասխանաբար գտնվում կամ արտադրվում են Արխանգելսկի մարզի (Ռուսաստանի Դաշնություն) և Վայոց ձորի մարզի (Հայաստանի Հանրապետություն) տարածքում, փոխանակում, -համատեղ ներդրումային ծրագրերի մշակում, -տնտեսական, վիճակագրական և այլ տեղեկատվության փոխանակում, բացառությամբ այն տեղեկությունների, որոնք Ռուսաստանի Դաշնության և Հայաստանի Հանրապետության օրենսդրության հանապատասխան պարունակում են պետական և առևտրական գաղտնիք, -ձեռնարկատիրական գործունեության, հարկային քաղաքականության և սոցիալ-իրավական պաշտպանության, բնակչության զբաղվածության ապահովման ոլորտներում առկա փորձի փոխանակում:

Ագրոարդյունաբերության ոլորտում՝

Կողմերը օժանդակում են ագրոարդյունաբերության ոլորտում համագործակցության զարգացմանը՝ գյուղատնտեսական տոնավաճառների, մասնագիտացված ցուցահանդեսների, գիտագործնական համաժողովների, սեմինարների և այլ միջոցառումների միջոցով, Արխանգելսկի մարզի (Ռուսաստանի Դաշնություն) և Վայոց ձորի մարզի (Հայաստանի Հանրապետություն) ագրոարդյունաբերական համալիրի ներկայացուցիչների մասնակցությամբ:

Մշակույթի, արվեստի, սպորտի, զբոսաշրջության, երտասարդական քաղաքականության ոլորտում՝

Կողմերը ստեղծում են պայմաններ մշակույթի, արվեստի, սպորտի, զբոսաշրջության, երտասարդական քաղաքականության ոլորտում հարաբերությունների զարգացման ու ամրապնդման համար, ինչպես նաև աջակցում են գեղարվեստական ցուցահանդեսների, թատերահամերգային հյուրախաղերի, երիտասարդական և սպորտային պատվիրակությունների, զբոսաշրջային ցուցադրման օբյեկտների գործունեության կազմակերպման աշխատանքների փորձի փոխանակմանը:

Կրթության, գիտության և տեխնիկայի ոլորտում՝ Կողմերը նպաստում են կրթության, գիտության և տեխնիկայի ոլորտում համագործակցության զարգացմանը, համատեղ գիտական միջոցառումների և ցուցահանդեսների անցկացմանը, համատեղ գիտահետազոտական, փորձարարանախազձային և նախազձային աշխատանքների կատարմանը՝ „Մ.Վ. Լոմոնոսովի անվան Հյուսիսային /Արկտիկական/ դաշնային համալսարանի հիմքի վրա, Արխանգելսկի մարզի (Ռուսաստանի Դաշնություն) և Վայոց ձորի մարզի (Հայաստանի Հանրապետություն) շահագրգիռ կազմակերպությունների միջև անմիջական համագործակցությանը:

ՌԴ Արխանգելսկի մարզի նահանգապետ Իգոր Օրլովը և ՀՀ Վայոց ձորի մարզպետ Էդգար Ղազարյանը պայմանավորվածություն են ձեռք բերել ունենալու նաև ոչ ֆորմալ հարաբերություններ: